

宋

會

要

宋會要 錢法

交子貿易真宗朝置務以朝臣立之廢復更易明道中鑄錢文曰明道元寶真篆書二品

東南諸路鑄錢國朝承南唐之舊為之未廣也咸平三年馬忠肅亮以虞部員外郎出使始於江池饒建四州歲鑄錢百三十五萬貫銅鉛皆有餘羨真宗即位以宗肅為江南轉運副使兼都大提點江南福建路鑄錢四監凡役兵三千八百餘人大中祥符後銅坑多不發逮天禧末所鑄纔一百五萬及蔡京為政大觀中歲收銅乃六百六十餘萬斤

比祖額虧四十餘萬斤內舊場四

石銅七十萬斤

新場三十萬斤江湖閩廣十監每年共鑄錢二百八十

九萬四百緡計用銅一千十一萬五千斤江州廣寧十二

萬四池州永豐三十四萬五千鄒州永平四十六萬五千建州豐國三萬四千

百四四監一百三十四萬緡上供衡州咸寧二十萬舒州

同安十萬嚴州神泉十五萬鄂州寶泉十萬韶州永通八萬梧

州元豐八萬已上六監一百五十六萬緡逐路支用以

所入約所用計少銅三百三萬五千斤自渡江後歲鑄

錢纔八萬緡近歲始倍蓋銅鐵鉛錫之入視舊纔二十

之一舊一千三百二十萬斤今七十餘萬斤所鑄錢視舊亦纔二十之一

兩

全唐文

鑄錢監

宋會要

江州廣寧監額三十四萬貫舊額二十萬貫池州永豐
監額四十四萬五千貫舊額四十萬貫建州豐國監額
二十萬貫舊額三十萬貫韶州永通監額四十萬貫大
錢內兼鑄小錢八萬貫惠州阜民監額三十五萬永興
軍錢監額一十萬貫華州錢監額一十萬貫大錢陝州
錢監額一十萬貫絳州垣曲錢監額一十三萬貫大錢
衛州黎陽監額一十五萬貫小錢五萬貫大錢西京阜
財監額二十萬貫興國軍富民監額二十萬貫衛州熙

寧監額一十五萬貫睦州神泉監額一十五萬貫鄂州
寶泉監額一十萬貫大錢舒州同安監額一十五萬貫
號州在城朱陽兩監額各一十二萬五千貫文大錢商
州在城洛南兩監額各十二萬五千貫大錢興州濟衆
監額四萬貫文舊額三萬九千二百六十三貫二百五
十文每貫重一十二斤十二兩嘉州豐遠監額八萬六
千六百一十七貫舊額四萬貫邛州惠民監額一十萬
九千八百五十一貫舊額十二萬六千二百二十二貫通遠
軍威武鎮錢監額一十二萬五千貫大錢岷州洮山鎮
錢監額一十二萬五千貫大錢已上並以文武京朝官
使臣殿直已上每監二員至或用三員或舉用選人或

以州官兼領而已鑄錢每鑄一貫省用銅二斤八兩鉛
一斤一十五兩錫三兩炭五斤浸銅之法先取生鐵打
成薄片目為鍋鐵入膽水槽排次如魚鱗浸漬數日鐵
片為膽水所薄上生赤煤取出刮洗錢煤入爐烹煉凡
三煉方成銅其未化鐵却添新鐵片再下槽排浸 饒
州永平監額四十六萬五千貫池州永豐監額三十四
萬五千貫紹興元年撥併寄役贛州鑄錢監本監官認
鑄額建寧府豐國監額二十五萬四百貫韶州永通監
額四萬七千一十七貫贛州鑄錢監嚴州神泉監以上
並無定額

錢法

雜錄私案大案作者
陽志引宋會要

下括石平其國二主

周世宗南征李景徙饒州召徐鉉為太子右諭德鉉字
鼎臣揚州廣陵人見東都事略徐鉉傳 太平興國
二年江南轉運使樊若水言江南舊用鐵錢於民非便
望於昇州饒州出銅處置官鑄錢其鐵錢即令諸州鼓
鑄為農器以給江北流民 太平興國八年三月詔
曰饒州歲市私鉛錫六萬斤為錢十五自今請增三錢
錫十五萬斤為錢二十九增六錢饒州市炭秤為錢十
增三錢從轉運使張齊賢之請也先是李煜因唐舊制
於饒州永平監歲鑄錢六萬貫江南平增數為七萬貫

常患銅以不充用齊賢任轉運使求得江南偽承旨丁

釗盡知饒信處等州山谷出銅鉛錫處齊賢即調發諸

縣丁男採之是年增數十倍明年得銅鉛八十五萬斤

錫十六萬斤因雜用鉛錫歲鑄錢三十萬貫補丁釗為

承旨領五郡銅先是承平監用開通元寶錢法甚好周

郭精妙至是雜用鉛錫雖歲增數倍而稍為粗惡續通鑑長

編又云初齊賢陞辭日上面命曰漢時吳王即山鑄錢

江南多出銅為朕密營之齊賢訪前代鑄法惟承平監

用唐開元錢料堅實可久由是定取其法凡用銅八十

五萬斤鉛三十六萬斤錫十六萬斤或言增鉛錫多齊

賢固引唐朝舊法為淳化五年詔饒州舊例集民為
甲令就官場買茶自令聽從便收市又至道二年十月
賜池州新置鑄錢監名曰永豐先是州每年鑄錢四十

萬貫至是復於池州分置是監共鑄錢六十四萬貫

通略云四十四萬貫

大中祥符元年閏十月右諫議大夫凌策

言饒州自來官買金禁客旅興販或為人論告即追禁平人煩撓刑獄自今請許納稅錢從之

大中祥符

二年六月詔饒池州等鑄錢監比者歲給緡錢以贍工匠宜例加給饒州歲七十萬池州三十萬五年詔增給諸州鑄錢監匠率分錢

又大中祥符五年除饒信州

買銅場壤稅錢

饒州鄱陽樂平浮梁德興四縣和

買金額五百四十二兩八錢三班一員監當又饒州

德興市銀場和買年額千七百四十九兩五錢縣官一

員監

又饒州興利場和買額二十一萬一千七百三

十四斤二兩三班一員監又又饒州永平監額四十五萬三千一百五十貫朝官三班各一員監又又饒州及德興浮梁餘干安仁縣石頭鎮六務稅錢歲額二萬五千四百七十貫又又饒州及餘干浮梁樂平德興安仁興利場石頭鎮九務酒麴錢歲額四萬七千五百九十七貫又又饒州買茶額五十五萬一千八百三十九斤又又饒州茶品茶慶合每斤一百四十三文運合一百二十二文仙芝一百一十文不及號七十七文頭金每斤五百文臘面四百一十五文頭骨三百五十五文茗茶末茶並四十一文庶黃三十七文又又饒州公用錢二百貫 九朝通略云初鑄錢但有饒州永平池州

永豐咸平二年宰臣張齊賢言今錢貨未多望擇使臣
按行出銅易得炭薪之處增置監鑄錢乃命虞部員外
郎馮亮等至建州置豐國監江州置廣寧監明年凡鑄
錢一百二十五萬乃以亮為江南轉運副使提點江南
福建鑄錢事又康定元年因陝西移用不足屯田員
外郎皮仲容建議增監冶鑄因勅江南鑄大錢而江池
號饒州又鑄小鐵錢悉革致關中又慶曆元年十一
月詔江饒池三州鑄鐵錢三百萬緡備陝西軍費又
崇寧二年正月戶部尚書吳居厚言江池饒建四監歲
鑄緡錢一百三十餘萬近年侵久欲別立勸沮之格詔
從之又十月江淮等路發運副使胡師文言自熙寧

以來當二大銅錢不許轉京故諸州官庫所積甚多今
迄改鑄當十錢許四文可成三文則十萬貫當為三百
萬貫癸卯詔從之令江池饒建舒睦衢鄂八監依陝西
樣鑄當十錢於是當二錢悉罷鑄矣後崇寧五年不行
用其當二錢依舊存用仍罷鑄當十錢只令鑄小錢

仁宗景祐元年鑄錢文曰景祐元寶真書篆書二品

乾文錢 太平興國九年日本國僧裔然等浮海而至

云其國周銅錢文曰乾文寶

秘書乾文寶文並國泰字錢二條大興錢字類引今附錄於此

交趾國黎字錢 秘書丞朱正臣言前通判廣州竊見
藩商多往交州貿易齎黎字及砂鑄錢至州頗紊中國
之法

全唐文

鑄錢監

宋畢衍備對

諸路鑄錢總二十七監每年鑄銅鐵錢 銅錢逐監錢

數 阜財監 西京二十萬貫 黎陽監二十萬貫 永興軍

華州陝府各鑄二十萬貫 垣曲監 絳州二十六萬貫 同

安監 舒州一十萬貫 富民監 興國軍二十萬貫 熙寧監

衛州二十萬貫 寶泉監 鄂州一十萬貫 已上並應副本

路內熙寧五萬貫 應副坑冶買銅 廣寧監 江州三十四

萬貫 永豐監 池州四十四萬五千貫 永平監 饒州六十

一萬五千貫 豐國監 建州二十萬貫 已上四監每年二

十萬貫應副信州鉛山湯買銀三十五萬貫赴內藏庫
充添鑄年額一百五萬貫上供內藏庫納一十五萬貫
左藏庫納外九十萬每撥三十三萬餘貫內藏庫封樁
候三年及一百萬貫至南郊前撥與三司永通監韶州
八十萬貫阜民監惠州七十萬貫已上二州並應副買
銅內惠州買銅刺錢兌小錢二十萬貫并更有刺錢並
起發上京內藏庫納鐵錢逐監錢數在城朱陽兩
監虢州各一十二萬五千貫阜民洛南兩監商州各一
十二萬五千貫已上係折二錢並應副本路交子本錢
威遠鎮通遠軍涵山鎮岷州兩監共二十萬貫嘉州
二萬五千貫邛州七萬三千二百三十四貫興州四萬

一千貫已上三州鑄大錢內嘉州二萬貫邛州五萬貫
興州三萬貫支與川茶司並應副本路大錢一當十以銅鐵錢
路分一十三路行使銅錢兩路使銅鐵錢四路行使鐵
錢銅錢一十三路折二錢京畿裏不行使開封府界京
東路京西路河北路淮南路兩浙路福建路江東路江
西路湖南路湖北路廣東路廣西路銅鐵錢兩路有折
二錢新鑄至和鏡潤校大銅大鐵錢並當小銅陝府西
錢二文永為定制河東銅錢有所折二錢路
文大錢十文成都府路梓州路利州路夔州路

版籍

移不建隆四年統年宗乾道六年

錄淳熙五年七月修戶補刊

宋會要 版籍

太祖建隆四年十月詔曰蕭何入關先收圖籍沈約為吏手寫簿書此官人所以周知其眾寡也如聞向來州縣催科都無帳歷自今諸州委本州判官錄事參軍點檢逐縣知官元無版籍及百姓無戶帖戶秋處使仰置造即不得煩擾人戶令佐鶴替日交割批歷參選日銓曹點檢太宗至道元年六月詔天下新舊逃戶檢覆招携及歸業承佃戶稅物文帳宜令三司自今後盡時點檢定奪合收合開合闕稅數聞奏若覆檢鹵莽當行勘逐仍令三司將覆檢文帳上厯管條於判使廳置庫架閣准備取索照證如有散失其本部使副判官必重行朝典于繫人吏決停 真宗景德二年

五月三司度支判官黃世長請令三司每歲較天下稅
帳耗登以聞從之 八年詔諸州縣案帳抄旁等委當
職官吏上歷收錄無得貨鬻棄毀仍令轉運使察舉犯
者官員重寘其罪吏人決杖配隸 時衛州判官王象
坐鬻案籍文抄除名為吏配隸唐州因著條約 天禧
二年六月三司言定奪三部合減省諸州帳目奏狀一
年計八萬八千九百一十九道約省三十四萬五千二
百餘紙其諸州府望令轉運使定數從事勾稽空靡紙
札比令近侍同令刪除或匪切須並簡併咨爾在位宜
守親稽勿務滋章致於煩擾其令三司諸路並依新減數目
不得擅有增益 先是上封者言諸州帳籍繁而非用

紙筆所費或至倍斂望省其數是歲又詔諸州自今造
帳營房半年一申棟傳軍人一年一申職員馬遞鎮馬
帳並一季一申三司使李士衡因言逐年約減省帳目
二分以上在省手分亦合減省遂詔三部官司議以聞
四年二月京東轉運副使范雍言諸州帳籍應不火
望自今委轉運使於逐州選官一員專管帳目磨勘如
及一百萬數一年內八分已上並升差遣不滿百萬一
年了者批歷為勞績從之 仁宗天聖元年十一月上
封者言天下每遇閏年寫造寔行版籍甚有搔擾況每
歲各有空行版簿拘管催促不至失陷稅賦乞賜停罷
乃下詔曰國家稽禹畫以開疆盡天臨而覆物崇建至

治阜康生民必務簡于科條用益清于政化乃眷郡縣
悉掌簿書既鑄鍵于賦輿亦關防于生齒坦有明制存
諸有司其或設之空文害于有益上靡資于理本下徒
啓于倖門或牧守愛民奏述暫從于停廢或官司循例
因緣寧免于滋彰將杜規求宜削煩擾應諸州縣凡遇
閏年所供寔行版簿今後更不寫造供申只將催科空
行版簿逐年磨勘入內點檢上歷架閣不得散失三年
七月京西路勸農使言點檢夏秋稅簿多頭尾不全亦
無典押書手姓名甚有楷改去處深慮欺隱失陷稅賦
近來鄆齊濰濮州磨勘出失陷稅賦四萬三千九百八
十四貫匹石者詳稅數蓋是造簿之時不將更年版籍

對讀割移典賣又不取關帖證對本州亦不點檢致作
契倖走移稅賦改作麗色亦有貧民額外移稅在戶下
縱有^被訴只憑遞年簿書無由雪理今乞候每年寫造
夏秋稅簿之時置木條印一雕年分典押書手姓名令
佐押字候寫畢勒典押將版簿及歸逃簿典賣析居割
移稅簿逐一勘同即令佐親寫押字用印記訖當面毀
棄木印其版簿以青布或油紙襯背津版上州請印本
州干繫官吏更切勘會委判司官點檢每十戶一計處
親書勘同押字訖封付本縣勾銷仍于令佐廳置櫃收
鎖如違依法施行書手雖經數仍勒充州縣重役令佐
不親勘讀以至失陷稅賦雖去官不原事下三司檢會

農田勅應逐縣夏秋稅版簿並先繕本縣元額管納戶
口稅物都數次開說見納見逃數及逐村甲名稅數官
典勘對送本州請印訖更令本州官勘對朱鑒勘同官
典姓名書字結罪勒勾院點勘如無差偽使州印訖付
本縣收掌勾銷今請依所乞造置簿印施行從之景
祐元年正月十三日中書門下言編勅節文諸州縣造
五等丁產簿并丁口帳勒村耆大戶就門抄上人丁慮
災傷州縣搔擾人民詔京東京西河北河東淮南陝府
西江南東荆湖北路應係災傷州軍縣分並權住攢造
丁產文簿候豐稔依舊施行神宗熙寧二年十一月
十三日詔令後農田利害據州縣具到圖籍并所陳事

狀並委管勾官與提刑轉運議差官覆按 四年五月
十六日司農寺言乞差府界提點司委官分詣諸縣同
造五等簿升降人戶如敢將四等已下戶不及得自來
中等已上物力升在三等致人戶被訴其當職官吏並
從違制不用赦降從之 八年正月八日察訪荆南路
常平等事蒲宗孟言近制民以手寔上其家之物產而
官為注籍以正百年無用不明之版圖而均齊其力役
此天下之良法也然縣災傷五分已上則不與焉且留
以俟豐歲以臣觀之使民自供手寔無所擾也何待于
豐穰哉願詔有司不以豐凶弛張其法從之呂惠卿為
寔法奉使者至析秋毫天下病之而宗孟有此奏既而

料官場一作
科及夏

之以一作以

各以一作以數排一作
各令接排

一一一作平

詔司農寺罷手寔法 元豐元年九月十三日中書言
應諸縣造鄉村坊郭丁產等第簿並錄副本送州印縫
于州縣架閣從之 十月二十一日詔應造簿路分秋
料官場枕額放及七分以上處權免造並候次年 十
二月九日兩浙路提舉司言浙西民戶富有物力自浙
以東多以田產營生往年造簿山縣常以稅錢餘處即
以物力推排不必齊之以法今欲通以田土物力稅錢
苗米之類各以次數排隨便敷納役錢所費民力所出
輕重均一從之 二年四月二十一日知諫院李定言
秀州嘉興崇德兩縣初定役法時以僧舍什物估直數
錢恐非法意下司農寺請下本路改正他路有類此者

令提舉司依此施行從之 哲宗元符元年二月二日

新權提舉廣南西路常平等事盧君佐言京東河北有

山林陂澤盜賊結集乞置籍以記浮名詔戶部立法以

聞 徽宗宣和二年四月二十一日江浙淮南等路宣

撫使童貫奏奉詔措置東南兗賊切詳平賊之後民事

最為急務勘會經賊燒劫州縣圖書散失理當重造戶

口版籍以定將來稅役從之 六年閏三月十六日新

差提舉河東路常平等事林積仁言熙豐良法莫大于

常平免役之政令以戶籍為本戶有五等縣置簿以籍

之凡均敷數雇錢科差徭役及非泛拋降合行均買者

皆以簿為據然詭名狹戶減落價貫在法許告有追賞

高宗一作
光堯

斷罪刑名欲下諸路常平司以指揮到日通行曉諭限
一季許冒犯人陳首特與改正仍免斷罪追賞限滿不
首重寘以法若因人告發而州縣根治滅裂者提舉官
按劾以聞從之 高宗皇帝紹興元年二月二十八日
臣察言州縣經兵火處版籍殘缺姦吏並緣為私所存
無幾不可鉤考使戶口未寔賦役不均財用莫知所從
出今嚴勅諸路監司應經兵火州縣自來所有丁產錢
穀簿書皆依法置造如委無舊本許以帳狀及寔可照
驗事跡類聚攢成又無即從諸司用于證文字與州縣
見存案牘互相點勘以成新書監司以逐州名數開具
申尚書本部立為定制所有期限乞從自朝廷處分戶

部契勘見行下諸路轉運司取索供申外如內有曾經
兵火去處欲依本官所乞用于照文字互相照勘成書
詔依仍限半年 二年三月二十三日詔曰朕于民事
未嘗敢緩而守令監司弗之察也訪聞造簿之歲姦賊
狼藉民被其苦而又輪差甲頭保長之後公然有備償
之說大無謂也可自今後應逃亡死絕詭名狹佃產去
稅存之戶不待造簿盡時依法倚閣檢察推割庶使斯
民猶堪給養而不被無藝之橫歛也如違令佐公吏並
竄配海島有賊者依去年十二月十四日指揮知通監
司隱庇而不舉發者同罪應昨來造簿不公及今後不
為盡時依法施行者並許民戶越訴令戶部立法取旨

行下一作施行

行下

閏四月三日

右朝奉郎姚沆言

欲乞朝廷行下

諸路轉運司相度曾被燒劫去處失契書業人許經所

屬州縣陳狀本縣行下本保隣人依寔供證即出戶帖
付之以為永遠照驗如本保隣人作情弊故意邀阻不
為依寔勘會及本縣人吏不即時給戶帖並許人越訴
其合辦人重寔典憲 八月二十二日詔今後應逃亡
死絕詭名田產令戶部立法今修立下條諸逃亡死絕
及詭名秧佃併產去稅存之戶不特造簿畫時倚閣檢
察推割從之 四年四月十六日戶部言依條每年取
會諸路轉運司供攢戶口陞降管額文帳今據淮南轉
運司申緣本路州縣總方招誘漸有歸業人戶未敢便

行秋劄戶口切應驚擾復有逃移本部相度欲自紹興
五年為頭從之五年五月八日諸路軍事都督行府
言諸路支收見在錢物今後分上下半年縣具數申州
州類聚同本州之數申漕司知係常平茶鹽司并提刑
司錢物即依此申所隸置籍本司總一路之數作旁通
冊開具聞奏付之戶部考察登虧仍詔守倅今後歲終
及替罷並開具管下諸縣并一州收支見在數目申尚
書省其初到任即具截日見在申戶部戶部亦行置籍
從之十月十日尚書省言勘會諸路戶口并合輸夏
稅秋賦帳狀雖有立定供申條限近來州縣違廢法令
不即供申今要見諸路租額并即今每州并每縣五等

料二料

人戶各若干逐等人戶各夏秋二料合納稅賦各若干
詔令戶部立定體式限一月取會諸路州縣作旁通冊
開具申 十二月二十三日詔戶部令州縣遵依已降
指揮止以見在簿籍內所管數目出給今來全州縣官
用心措置務要簡便于民不擾早得給付如敢乘此差
人下鄉根括勾呼搔擾並當重行停降因而容縱公吏
乞取除公吏以枉法論坐罪外官比公吏減一等仍仰
提刑司常切覺察及許人戶詣本司越訴以都省言州
縣尚勒令人戶開具追呼搔擾故有是詔 六年十二
月八日臣僚言州縣推排人戶于造簿之時宜得其寔
若產去稅存者根究受產之家據數攤理以契內價貫

為物力者取見出產之家苗稅都數參酌均定則不得而欺矣版籍既明賦役均當若貧若富各得其所欲望申勅諸路州縣官吏應遇人戶訴理苗稅物力並依公參酌推受過割招產去稅存已有條令仰戶部申嚴行下餘令諸路轉運司限十日一就相度申尚書省七年五月七日比部員外郎薛徽言欲望明飭有司稽考州縣丁帳覈正文籍^數死亡^生長以時書落歲終縣以丁之數上州州以縣之上^數漕以州之數上之戶部戶部合天下之數上之朝廷殘破之處計登耗而為之賞罰其重困之由願講明之其傷殘之法願申嚴之從之十二年七月十八日戶部言州縣人戶產業簿依法三年

一造坊郭十等鄉村五等以農隙時當官供通自相推
排對舊簿批注陞降今欲乞行下諸路州縣依平江府
等處已降指揮西北流寓之人候合當造簿年分推排
施行從之 十三年九月一日詔州縣租稅簿籍令轉
運司降樣行下並真謹書寫如細小草書從杖一百科
罪勒停永不得收叙其簿限一日改正當職官吏失點
檢杖八十如有欺弊自依本法施行從轉運使李椿年
之請也 十六年六月十日權知柳州黃武言人戶典
賣推稅詔令戶部立法戶部今修下條諸典賣田宅應
推收稅租鄉書手于人戶契書戶帖及稅租簿內並親
書推收稅租數目并鄉書手姓名稅租簿以朱書令佐

書押又諸典賣田宅應推收稅租鄉書手不於人戶契書戶帖及稅租簿內親書推收稅租數目姓名書押令佐者杖一百許人告又諸色人告獲典賣田宅應推收稅租鄉書手不于人戶契書戶帖及稅租簿內親書推收稅租數目姓名書押令佐者賞錢一十貫從之 十八年四月三十日臣寮言比年以來遷徙之民懷土歸業者衆淮南間如通泰等州號為就緒州縣欲便于科差推排物力其間歸業未滿三年者與免推排一次從之 二十年九月八日臣寮言四川諸縣推排等第除坊郭營運依舊例外其鄉村人戶家業數內若有營運合依見行條法推排陞降如典賣田產價直欲乞改正

只用本色所管稅色物料依見今州縣衮折則例併細
稅錢若於本處或有未便乞令開具的確利害以聞從
之 二十一年二月四日詔臨安府見排等第依在京
例與免 二十二年二月七日右宣義郎大理評事王
彥洪言切見甲令所載三年一造簿書于農隙之時令
人自相推排蓋欲別貧富陞降等第務從均平此萬世
之良法也近來間有縣令將欲任滿輒促期限或遷延
以待後政致有下戶物產已去而等第猶存欲望申嚴
法禁于農隙推排之時不得妄有展促期限以杜貪墨
庸懦之弊如或違戾令監司都守按劾以聞從之 五
月八日前知池州陳湯求言乞今後州縣不得將牛船

水車應于農具增為家力其賣買交易許免收稅知官
司輒敢巧作名目暗排家力及抑納稅錢者許人戶越
訴專委提舉常平司糾察官吏重寘以法從之 二十
四年三月二十五日大理評事劉敏求言乞今有司申
嚴法禁俾諸州依條限印給稅租簿仍鈐束人吏乞取
之弊如有戾違重寘于法上因宣諭法令固在如官吏
奉行不虔雖申明行下終亦無益為知州者須更歷民
事通曉利病者為之因命監司以時檢察有不如令按
劾以聞 二十六年二月二十二日新差權發遣全州
楊揆劄子言在法人戶家產物業每三歲一推排陞降
等第如有未當許人戶陳訴改正然後立為定籍置櫃

收藏于長官廳凡有差科令佐躬親按籍均定比年以來州縣弛慢盡付胥吏之手每遇差科公然賄賂良民受獎依前產去稅存故使貧乏下戶多有逃移欲望明飭有司申嚴行下諸路監司守臣凡差科並須令佐躬親均定不得令公吏干預惟許檢閱抄寫如有違戾仰監司按劾以聞從之 三十年六月十四日詔諸州縣歲終攢造丁帳三年推排物力除附陞降並令按寔銷注州委官縣委主簿專掌其事監司太守常切檢點如有脫落許人戶越訴當行官更以違制論 從戶部之請也 三十二年正月二十五日臣寮言望詔有司立法自今知縣縣丞滿罷之日批書條限內曾無排造文

于出母生
與出母嫁

簿及縣丞推受物力有無未了名件廢幾版圖得定可
以據籍定差于是給舍金安節等看詳昨降指揮任滿
批書並依祖宗舊例詔依 五月三日四川總領王之
望言契勘人戶將田宅遺囑與人及婦人隨嫁物產與
夫家管係在法田宅止于出母生母方合免稅若與其
餘人並合投稅今四川人戶遺囑嫁資其間有正行立
契或有止之要約與女之類亦合投稅緣得遺囑及嫁
資田產之人依條估價投契委可杜絕日後爭端若不
估價立契雖可幸免一時稅錢而適所以啓親族兄弟
日後訴訟戶部言人戶今後遺囑與認麻以上親至絕
日合改立戶及田宅與女折充嫁資並估價赴官投契

納稅其嫁資田產于契內分明聲說候人戶齎到稅錢
即日印契置厯當官給付契書如合于人吏因緣搔擾
許人戶經官陳訴若出限不即經官稅契許人戶告將
犯人依匿稅法施行從之 紹興三十二年 壽皇聖帝
已即位未改元 八月二十三日中書門下言州縣三年
一次推排坊郭鄉村物力多係坊正保正副私受人戶
錢物升排不公守令信憑人吏蔽匿等第文牒洎至人
戶知得並已限滿無緣陳理貧弱受害今仰州縣推排
出院日分明出榜如尚敢循習委監司覺察奏聞當議
重寘于法庶使良民有^所申訴從之 壽皇聖帝乾道二
年正月十八日詔孫大雅奏漢制上計之法朕以為可

行于今令侍從臺諫參考古制進呈先是知秀州孫大雅置本州拘催上供錢格目采上且言漢制歲盡郡國詣京師奏事至中興則歲終遣吏上計于正月旦天子幸德陽殿臨軒受賀而屬郡計吏皆親以詔殿最今也不然未嘗有甘泉上計之制而臣始為之奏且臣所撰州縣拘催上供錢格目者蓋法漢之大司農郡國四時上月旦見錢穀簿其逋未畢各具別之之意以為書也敢昧死以獻惟陛下裁擇于是監察御史張敦寔劉貢言切謂一縣必有一縣之計一郡必有一郡之計天下必有天下之計天下之計總郡縣而歲考為三代遠矣方冊可得而知者自禹別九州成賦中邦因南巡狩而

至大越登茅山而會諸侯號其山曰會稽後立會稽郡
漢書注云以其會諸侯之計於此也逮至周官所載最
為詳悉天官冢宰之屬理財居其半掌財用而言歲終
則會者凡十又太府之職歲終則貨賄之入出會之小
宰之職歲終則令郡吏致事鄭氏注云若今之上計也
漢承秦後蕭何收其圖籍知張蒼善算於是令以列侯
居相府領主郡國上計者此則漢初之制專命一人以
掌天下所上之計也至武帝建元五年詔吏民有明當
世之務習先聖之術者縣次續食令與計偕注云計者
上計簿使也郡國每歲遣詣京師上之元封五年三月
朝侯諸王列侯受郡國計太初元年十二月又受計于

甘泉天漢三年又受計于泰山之明堂太始四年三月
又受計于泰山之明堂是則終武帝之世五十餘年之
間一受計于帝都三受計于方嶽或以三月或以十二月
之不同也至宣帝黃龍元年正月下詔曰方今天下少
事而民多貧盜賊不止其在^上計簿文具而已務為欺
慢以避其課令御史察計簿疑非寔者按之使真偽無
相亂是則在宣帝之時郡國所上計簿已不能無弊矣
光武中興歲終遣吏上計遂定制論正月旦天子幸德
陽殿臨軒受賀而屬郡計吏皆在列置大司農專掌之
其逋未畢各具別之今孫大雅所陳者是也然西漢言
郡國上計東漢言屬郡計吏則遠方者在東漢未必偕

矣漢之大司農則今之戶部也竊見戶部掌天下之財計有上限中限末限之格法有日催旬催五日一催之期會每于歲終獨以常平收支戶口租稅造冊以進呈而于州郡諸色窠目尚畧焉是于三代歲終則會與兩漢歲終上計之法為未脩也然而去古愈遠文籍愈煩在西漢已不免文具之弊況今日能盡革其偽乎在東漢止于屬郡之內況今日川廣之遠能使其如期畢至乎以臣等愚見莫若歲終令戶部盡取天下州郡一歲之計已足未足虧少虧多之數並皆造冊正月內進呈兼採漢制丞相選差一人考覈戶部所上計而明州郡之殿最則三代兩漢之制皆兼諛而無不足之處矣詔

令戶部措置其後戶部言諸路州軍歲起上供諸色窠
名錢帛糧斛各有立定起發條限年額數目本部每年
預行檢舉行下諸路監司及州軍當職官排日催促依
限撥納其歲終具常平收支并稅租課利旁通條取前
一年數戶口本年數造冊以進呈內不路分次年附進
今來張敦寔等奏陳歲終令戶部盡取天下州郡一歲
之計已足未足虧少虧多之數造冊正月進呈緣諸州
軍地里遠近不同竊慮不能于次年正月盡寔申到若
候取會齊足攢造亦恐後時今措置欲立式遍下諸處
州軍知通當職官各以本州每歲應干合撥上供窠名
錢帛糧斛數目置籍照條限鈎考撥納歲終逐一開具

造冊須管于次年正月了畢詣闕投進候到降付戶部
參考將拖欠諸軍具當職官吏按劾伏取旨黜責施行
之上曰如此措置甚善從之 二月三日（准）詔東近因
措置沙田蘆場拘留人戶供擯戶式有妨春農並仰日
下放散如有未圓脩去處候秋收畢日施行內形勢上
戶即仰措置取會不得追擾耕作之人 十一月二十
六日權戶部侍郎曾懷言戶部掌催諸路財賦名色不
一自來緣無版籍無憑稽考往往多致失陷積弊之久
習為故常被旨攢具到版籍一物一件皆有照據乞自
今每歲諸郡具所起發錢料名總計寔數作一項限次
年正月終申發委逐路所隸監司覆寔限一月上之戶

忠作志

自聖祖及仁
宗亦聖祖
神宗

益益蓋
副本同

部具殿最以聞取旨賞罰庶有司各知任責財賦不致
失陷國用得以不乏從之六年十月十一日戶部侍
郎江浙京朝淮廣福建等路都大發運司史正忠言臣
恭惟本朝自聖祖及仁宗相繼嗣統爰考元和之制踵
為會計之書萬機之暇未嘗不視之為先務歲月易久
茲弊易生故不得不時為會計以核其弊是以景德之
錄慶厯之錄皇祐之錄以致元豐中書備對分令諸房
揭貼搜羅詳密纖悉備具且朝廷每有施行不復待報
於外按圖閱籍如指諸掌竊思惟祖宗之時所謂會計
之書修纂如是之易者益緣郡國帳狀如期來上無有
隱匿稽違故得以討論措畫又嘗考之條令一州之帳

司法主之一路之帳狀

狀漕屬主之率諸路帳狀上之戶部既已有帳司矣又以別本關之比部專以纂輯為之違一月者有禁踰一時者有罰渡江以來天下多事簿書期會日為紛擾而帳狀之計漫不加省近年以來比部省併曹帳司裁減吏額拘催帳狀不復來上故易于竄易于移兌而乾沒之患滋生臣謂救之之術莫若謹帳狀之上續會計之書是書一成如鏡之照如權之稱尚何從逃哉從之

二十七

日宗正少卿兼權戶部侍郎王佐等言得旨

編類

版籍

文字稽考得增稅錢一項係依紹興五年五月十

二日旨揮令諸路轉運司量度州縣收稅緊慢增添稅

額五分或三分別歷收今將帳案照得除臨安府并太

脫浮照以以如
係為補抄

平州每季有收過外其餘去處並無所收顯見侵欺失
陷欲令諸路漕司自今年冬季為始盡寔拘收以十分
為率三分與本州贍給官兵其七分赴左藏庫送納仍
限一月先次取見本路州軍合增添五分及三分数目
作用供申戶部置籍拘考之詔戶部行下諸路漕臣開
具州縣收稅緊慢去處叅酌申取旨朝廷指揮

戶口雜錄

太祖開寶九年天下主客戶三百九萬五百四

太宗至道三年天下主客戶

四百一十三萬二千五百七十六 真宗天禧五年天下主客戶八百六十七萬七千

六百七十七口九百九十三萬三百二十

仁宗天聖七年天下主客戶一千一十六萬二千六百八
十九口二千六百五萬四千二百三十八慶曆二年天
下主客戶一千三十萬七千六百四十口二千二百九
十二萬六千一百一十八年天下主客戶一千七十二萬
三千六百九十五口二千一百八十三萬六千四百嘉祐
三年天下主客戶一千八十二萬五千五百八十口二
千二百四十四萬二千七百九十一八年天下主客戶
一千二百四十六萬二千三百一十七口二千六百四
十二萬一千六百五十一 英宗治平三年天下主客

千一
作十

二
作三

七
作一

七
九

丁
百

戶一千二百九十一萬七千二百二十一口二千九百
九萬二千一百八十五以上國朝會要 神宗熙寧二
年天下主客戶一千四百四十一萬四千四十三口二
千三百六萬八千二百三十五年天下主客戶一千五
百九萬一千五百六十口二千一百八十六萬七千八
百五十二八年天下主客戶一千五百六十八萬四千
五百二十九口二千三百八十萬七千一百六十五十
年天下主客戶一千四百二十四萬五千二百七十口
三千八十萬七千二百一十一元豐元年天下主客戶
一千六百四十萬二千六百三十一口二千四百三十
二萬六千一百二十三三年天下主客戶一千六百七

十三萬五百四口二千三百八十三萬七百八十一六年天下主客戶一千七百二十一萬一千七百一十三口二千四百九十六萬九千三百 哲宗元祐元年天下主客戶一千七百九十五萬七千九十二口四千七萬二千六百六三年天下主客戶一千八百二十八萬九千三百七十五口三千二百一十六萬三千一十二六年天下主客戶一千八百六十五萬五千九十三口四千一百四十九萬二千三百一十一紹聖元年天下主客戶一千九百一十二萬九百二十一口四千二百五十六萬六千二百四十三四年天下主客戶一千九百四十三萬五千五百七十口四千三百四十一萬一

百一十

七百九十一

九百七

百一十

光堯

高宗

五十一

千六百六元符二年天下主客戶一千七百九十一萬

五千五百五十五寧寧元年天下主客共陞戶三十萬

三千四百九十五口四十萬九千一百六十三二年天

下陞戶二十五萬九千七百五十八口六十五萬七千

六百九十一大觀二年天下所陞戶增一十二萬四千

一百七十三口一十九萬二千四十六三年天下所陞

戶二十三萬四千二百口五十六萬八百九十三以上

續國朝會要 光堯皇帝紹興二十九年天下主客戶

一千一百九萬一千八百八十五口一千六百八十四

萬二千四百一三十年天下主客戶一千一百五十七

萬五千七百三十三口一千九百二十二萬九千八三

有脫簡應補抄

脫兩浙路五三州

之數一錢

脫兩浙路五

百十六兩錢

脫兩浙路五

百二十三一錢

十一年天下主客戶一千一百三十六萬四千三百七

十七口二千四百二十萬二千三百一三十二年天下

主客戶一千一百一十三萬九千八百五十四口二千

三百一十一萬二千三百二十七以上中興會要 紹

興三十二年壽皇聖帝已即位未改元諸路主客戶一千一百五十

八萬四千三百三十四口二千四百九十三萬一千四

百六十五 壽皇帝隆興元年諸路主客戶一千一百

三十一萬一千三百八十六口二千二百四十九萬六

千六百八十六乾道九年諸路主客戶一千一百七十

萬五千六百六十二口二千五百一十七萬九千一百

七十七二年諸路主客戶一千二百三十三萬五千四

股兩折路主
客戶二千二
百

股兩折路主
客戶二千二
百

股兩折路主
客戶二千二
百

股兩折路主
客戶二千二
百

股兩折路主
客戶二千二
百

股兩折路主
客戶二千二
百

百五十口二千五百三十七萬八千六百四十八三年
諸路主客戶一千一百八十萬三百六十六口二千六
百八萬六千一百四十六四年諸路主客戶一千一百
六十八萬三千五百一十一口二千五百三十九萬五
千五百二五年諸路主客戶一千一百六十三萬三千
二百三十三口二千四百七十七萬二千八百三十三
六年諸路主客戶一千一百八十四萬七千三百八十
五口二千五百九十七萬一千八百七十七年諸路主
客戶一千一百八十五萬二千五百八十口二千五百
四十二萬八千二百五十五八年諸路主客戶一千一
百七十三萬六千九百九十九口二千五百九十五萬五千

脫身
脫身

宗
宗

三百五十九年諸路主客戶一千一百八十四萬九
千三百二十八口二千六百七十二萬七百二十四（乾隆十四年）
熙元年諸路主客戶一千二百九萬四千八百七十四
口二千七百三十七萬五千五百八十六年諸路主
客戶一千二百五十萬一千四百口二千七百六十三
萬四千一十三年諸路主客戶一千二百一十三萬二
千二百二口二千七百六十一萬九千一十九四年諸
路主客戶一千二百一十七萬六千八百七口二千七
百二萬五千七百五十八五年諸路主客戶一千一百
九十七萬六千一百二十三口二千八百五十五萬八
千九百四十六年諸路主客戶一千二百一十一萬一

千一百八十口二千九百五十萬二千二百九十七年
諸路主客戶一千二百一十三萬九百一口二千七百
二萬六百八十九年諸路主客戶一千一百五十六
萬七千四百十三口二千六百一十三萬二千四百九
十四九年諸路主客戶一千一百四十三萬二千八百
一十三口二千六百二十萬九千五百四十四十年諸
路主客戶一千一百一十五萬六千一百八十四口二
千二百八十三萬三千五百九十一年諸路主客戶
一千二百三十九萬八千三百九口二千四百五十三
萬一百八十八十二年諸路主客戶一千二百三十九
萬四百六十五口二千四百三十九萬三千八百二十

一十三年諸路主客戶一千二百三十六萬九千八百
八十一口二千四百三十四萬一千四百四十七口
諸路主客戶一千二百三十七萬六千五百五十二口
二千四百三十一萬一千七百八十九口五年諸路主
客戶一千一百八十七萬六千三百七十三口二千四
百三十萬六千二百五十二口十六年諸路主客戶
一千二百九十七千四百三十八口二千七百五十六
萬四千一百六

以上淳熙會要

是亦以

宋會要 戶口雜錄

藝祖取天下之後戶三百九萬開寶四年七月詔曰朕臨御以來憂恤百姓所通抄人數目尋常別無差徭只是春初修河蓋是興民防患而聞豪要之家多有欺罔併差貧閭豈得均平特開首舉之門明示賞罰之典應河南大名府宋亮宿穎青徐兗鄆曹濮單蔡陳許汝鄆濟衛淄濰濱滄德貝冀澶滑懷孟磁相邢洺鎮博瀛莫深楊秦楚泗州高郵軍所抄丁口宜令逐州判官互相往彼與縣令佐仔細通檢不計主戶牛客小客盡底通抄差遣之時所貴共分力役敢有隱漏令佐除名典吏決配募告者以犯人家財賞之仍免三年差役

太宗

至道元年六月詔復天下郡國戶口版籍自唐末四方兵起版籍亡失故戶口賦稅莫得周知至是始布復造焉
宋真宗上

淳化四年三月詔戶口稅賦帳籍皆不整舉吏胥私隱稅賦坐家破逃冒佃侵耕鬼名挾戶賦稅則重輕不等差役則勞佚不均所申戶口逃移皆不件析田畝稅數無由檢括斯蓋官吏因循致其積弊今特釋前罪咸許上言詔到知州通判幕職州縣官各具規畫何以得均平賦稅招葺流亡惠恤孤貧止絕姦倖及鄉積弊民間未合便行降賁事令知州判共為一狀縣令簿尉共為一狀限一月內附驛以聞如有異見亦許別上封章須並畫一指陳直書實事已差中書舍人看詳可否如事理優長當議旌賞若公然鹵莽今後不得任親民官
真宗咸平五年四月詔三司取天下戶口數置籍較定以

間景德四年七月權三司使丁謂言戶部景德三年新
收戶三十三萬二千九百九十八流移者四千一百五
十總舊實管七百四十一萬七千五百七十戶千六百
四十八萬二千五百五十四口比咸平六年計增五十五萬
三千四百一十戶二百萬二千二百一十四口賦入總
千三百七十三萬一千二百二十九貫石匹斤數比咸
平六年計增三百四十六萬五千二百九十竊以版圖
之役生齒畢登所以一租庸辨衆寡前朝丁黃之數悉
載黷綱五代以來舊章多廢兆國家幅員萬里阜成兆
民惟國史之闕書由有司之曠職今以景德三年民賦
戶口之籍較咸平六年具上史館欲望特降詔旨自今

以咸平六年戶口賦入為額歲較其數以聞庶使國典有憑方來可仰從之九月詔諸路所降^併升降戶口自今招到及新居戶委的開落得帳上荒稅合該升降即撥入主戶供申內分烟析生不增稅賦及新收不納稅浮居客戶並不得虛計在內方得結罪保明申奏升降大中祥符二年六月頒募職州縣官招携戶口旌賞條制四年正月四日詔諸州縣自今招來戶口及創居入中開墾荒田者許依格式申入戶籍無得以客戶增數舊制縣吏能招增戶口縣即申等乃加其俸給至有析客戶者雖登于籍而賦^稅無所增入故條約之天禧三年十二月命都官貲外郎苗楨與知河南府薛田同均定本

府坊郭居民等從戶部尚書馮拯之請也四年十二月

詔諸升降戶口每年正月具新收人戶所增稅賦句磨

訖結罪申三司神宗六年十月十二日時上論及天下戶口之

數王安石等奏曰戶口之盛無如今日本朝太平百年

生民未常見兵革昨章惇定湖南保甲究覓戶口之衆

數倍前日蓋天下舉皆類此上曰累聖以來咸以愛民

為心既未嘗有征伐又無離宮別館營繕之事生齒息

蓋不足怪神宗八月二十八日三省言諸路戶口財用雖戶

部每年考會總數即未有比較進呈之法復不知民力

登耗財用足否今立定式令諸州每年供具以次年正

月申轉運司本司以二月上戶部本部候到於半月內

以次上尚書省三省類聚進呈違者杖一百從之

徽宗大

觀三年正月二十一日戶部侍郎吳擇仁言地官之職掌戶口版籍寔賦稅力役之所自出民事之先務也今承平日久生齒繁庶而天下所尚因仍舊籍略加增損具文而已戶口登耗無由盡知乞自今歲具增減實帳每路委監司一員類聚上戶部置籍銷注從之政和三年四月二十五日詳定九域圖志蔡攸何志同言伏見本所取會到天下戶口數類多不實且以河北二州言之德州主客戶五萬二千五百九十九而口纔六萬九千三百八十五霸州主客戶二萬二千四百七十七而口纔三萬四千七百一十六通二州之數率三戶四口

則戶版刻隱不待較而知之乞詔有司申嚴法令仍選

委逐路監司別作審覈務在得實保明供報詔令逐路

提刑審括實數奏聞八月九日淮南路轉運副使徐闕

中言九域志在元豐間主客戶共一千六百餘萬大觀

初已二千九十一萬乞詔諸路應奏戶口歲終再令提

刑提舉常平司參攷同保奏從之政和六年七月二

十日戶部言淮南轉運司政和格知通令佐任內增收

漏戶一千至二萬戶賞格一縣戶口多者止及三萬脫

漏難及千戶少得應賞之人難此不盡心推括看詳令

佐任內增收漏戶八百戶陞半年名次一千五百戶免

減三千戶減磨勘三年知通隨所管縣通理比令佐加

光堯
高宗

倍從之 光堯皇帝紹興三年十月六日尚書禮部員外郎舒清國言諸路殘破州縣乞以戶口增否別立守令考課之法分為上中下三等每等又分為三置籍比較縣令課績知通考之知州課績監司考之考功會其籍而較其優劣凡賞格用見行條法賞格之最優者其再考在上等之上者除依格推賞外任滿日知州優加擢用縣令與升擢差遣下等取旨責罰從之五年六月二十八日荆湖北路轉運司提刑司言權鄂州江夏縣呂大周任內招復戶口增及九分乞依格推賞詔改令入官餘路依此七月二十三日吏部言權通判岳州王嘉言申兵火之後全在官吏招集流移乞將州縣最親

民官初到任日據見存戶口二稅批上印紙候任滿日
再據戶口二稅批鑒罷任若任內招誘戶口二稅增加者
書為課最別有遷擢若任內不能招誘戶口二稅或復
有減少者書為課殿亦寘典憲從之八月十六日都督
行府言湖北淮南自兵火之後百姓流亡田多曠土令
佐招誘增虧已有立定殿最賞罰欲今後守令到任一
年雖該到任酬賞若不曾招誘人民歸業雖有而不及
分數若不在保明推恩之限仰監司常切遵守從之
六年二月二十一日提點淮南西路公事張成憲言契
勘淮南守令賞典重疊遂啓僥冒之獎欲望將守令歲
增戶口并墾田土及知縣任滿墾田酬獎并入任滿賞

格乞量與增重庶華冒賞詔淮南守令開墾田土增拓
戶口即從一重推恩七年五月七日比部員外郎薛徽
言欲望明飭有司稽考州縣丁帳覈正文籍死亡生長
以時書落歲終縣以丁之數上州州以縣之數上漕漕
以部之數上之戶部戶部合天下之數上之朝廷殘破
之虞計登耗而為賞罰其重困之由願講明之其傷殘
之法願申嚴之從之十一月十六日進呈李誼論戶口
劄子乞詢求所以惠民而去其害民者上曰此亦今日
先務大要欲戶口滋息須寬民力須免得科數如向來
造成官綱遂免人戶出水腳錢如此庶幾實惠及民必
不得已有所科率亦須明降指揮使上下曉然知其多

辨一作便

寡之數吏不得並緣為姦矣若乃避科率之名朝廷下諸路監司監司下諸州州下諸縣一切趣辦遂致過數倍歛無從檢察民愈被害不可不慮也十三年九月十六日太府寺丞張子儀言親民之官莫若守令戶口登耗之責守令之先務也乞於新復舊州縣精選守令以戶口復業登耗重為陞黜之典仍委監司覆實以嚴課最詔令淮西京東路監司歲終取州縣所增戶口以聞二十六年三月十六日權發遣光州曾惇言淮南邊郡雖無甚興造至如修葺官宇補治城壁其他種種雜作猶時被驅役街市小民一日失業則一日不食比數年以來尚偉豐稔顧戀米麥稍賤不肯他之若歲小不登復困

別本卷首
有壽皇聖
帝一條應移
抄于此

脫十月十八
日一條

科役則皆提携而去矣如此則戶口日益凋疎伏望嚴
立法禁應沿邊州縣不得差科百姓工役若尚敢循習
令監司帥臣按劾從尤州曾惇之請也 壽皇聖帝乾
道二年五月九日臣僚言兩浙路去年百姓以疾疫死
亡以饑餓流移者至多州縣丁籍自應虧減今年開收
所宜從實切聞州縣至今往往未嘗申聞銷竅按籍而
催尚仍故目誠慮將來以年未及之人籍為成丁或衣
計所虧之額多取之於見存之人或仰令保正長合力
償備乞下兩浙州縣覆實流移死亡丁數保明申上權
行倚國侯流移歸業中小成丁漸次增補從之七年九
月十六日知隆興府龔茂良言已降指揮本路帥臣監

司將旱傷州縣令精加審量竊謂朝廷既下審量之令以謹其始宜有殿最之法以覈其中然後為官吏者不敢徒事文具乞取將來戶口登耗以為守令殿最而陞黜之又諸縣戶口各有版簿欲併老幼丁壯無問男女根括記籍帥臣監司總其實數明諭州縣自今以始至子來歲賑濟畢事之日按籍比較戶口登耗若某縣措置有方戶口仍舊即審實保奏優加遷擢若某縣所行乖戾戶口減少則按劾以聞重行黜責推而廣之以稽一郡之登耗議守臣之賞罰則殿最分明官吏奮勳自此立為成法舉而措之天下亦可以為興時荒政之備詔依仍將已流移人與現在戶口通行置籍務令

得實將來比較殿最其餘旱傷去處依此仍先次開具
已流移人并見在戶口申三省樞密院以上乾道會要

宋會要身丁

高宗建炎三年十一月三日德音訪聞兩浙人戶歲出
丁鹽錢每丁錢納錢二百二十七文後來並令折納絹
一尺綿一兩己是太重近年以來戶口減耗丁鹽錢價

未嘗蠲除至有一丁認三丁之賦加以近歲綿絹價高
比之納錢暗增數倍民戶重困無甚于此自今第五等
以下人戶一半依舊折納外餘一半只納見錢 紹興
三年四月九日權發遣嚴州顏為言乞許曾得文解及
該免文解人並免身丁詔令戶部立法今修立下條諸
未入官人校尉京府諸州助教免二丁二人以上免一
丁一名者不免得解及應免解人助教廣南攝官流外
品官三省守當官守闕守當官私名以上私名謂已未
入額編排定人數樞密院貼房守闕貼房散祗候以上
職醫助教攝叅軍之類并侍丁本身並免丁役從之
六年八月三日樞密院檢詳諸房文字王迪言願詔有

司講求諸路丁錢丁米之數隨田稅帶納勘會湖南路
丁米已降指揮除二分見於人戶田畝上均數外餘一
分令本路轉運使相度具數申尚書省兩浙路丁鹽錢
係催納見錢并許將土產紬絹依時價折納詔令戶部
行下諸路轉運司具本路有無丁錢丁米及如何催理
具狀申尚書省十五年正月二十七日臣僚言州縣
坊郭鄉村人戶既有身丁即充應諸般差使雖官戶形
勢之家亦各數納免役錢唯有僧道例免丁役別無輸
納坐享安閑顯屬僥倖乞令僧道隨等級高下出免丁
錢庶得與官民戶事體均一戶部言今措置到下項甲
乙住持律院并十方教院講院僧散衆每名納錢五貫

丈省紫衣二字師號納錢六貫文省只紫衣無師號同
紫衣四字師號每名納錢八貫文省紫衣六字師號每名
納錢九貫文省知事每名納錢八貫文省住持僧職法
師每名納錢一十五貫文省十方禪院僧散衆每名納
錢二貫文省紫衣二字師號每名納錢三貫文省只紫
衣無師號同紫衣四字師號每名納錢五貫文省紫衣
六字師號每名納錢六貫文省知事每名納錢五貫文
省住持長老每名納錢一十貫文省宮觀道士散衆每
名納二貫文省紫衣二字師號每名納錢三貫文省只
紫衣無師號同紫衣四字師號每名納錢四貫文省紫
衣六字師號每名納錢五貫文省知事每名納錢五貫

文省知觀法師每名納錢八貫文省道正副等同詔依
二月十二日臣僚言乞太學生免丁役令勅令所立法
今修立下條諸凡入官人校尉京府諸州助教得解及
應免解人并見係太學生並免丁役從之 二十四年
八月十二日戶部言契勘近承指揮紫衣師號依舊給
降書填今相度欲將今來請新法紫衣師號僧道合納
免丁錢數內甲乙住持律院十方教院講院並與依十
方禪寺僧軀例立定錢數輸納施行其十方禪寺并宮
觀道士並依散衆教士與減三分之一輸納庶幾事軀
稍優樂於請買從之 二十五年八月十一日詔人戶
身丁免丁錢可特放一年以御前錢依數還戶部

十一月十九日敕人戶身丁僧道免丁錢近降指揮放
一年已行約束將已納在官錢物理作來年合納之數
尚慮州縣巧以名色復行催理仰諸路監司覺察如有
違戾去處按劾以聞 二十六年七月三日詔昨降指
揮放免諸州軍身丁錢一年不住據諸處申請乞將身
丁綿絹一槩蠲放契勘元降指揮雖止為丁錢緣事屬
一牀理宜優恤可令戶部將身丁綿絹並與蠲放一年
所放丁絹約計二十四萬足於內庫支降本免絹并買
絹錢各一半應副歲計支遣如有人戶已送納過數目
即於來年折除如州縣承令降指揮蠲放後輒敢擅行
催納許人戶徑赴臺省申訴仍專委監司覺察臺諫彈

勅以聞當重寘典憲仍令戶部鑊板遍下所屬遵守施行
同日三省言准詔蠲放民間一年丁絹之數計二
十四萬足內十二萬足令與戶部官商量措置收買合
用錢於內藏庫支還餘十二萬足令內庫支給本色以
惠細民沈該等曰昨降指揮止為免丁錢今陛下欲併
與丁絹及綿全行蠲放聖恩寬大百姓蒙被實德今歲
絲蚕登熟民間絹易得置場收買便可足數上曰不惟
寬民力且不失信於民該曰陛下加惠百姓捐內府之
藏以助民力堯舜博施仁不是過也上又曰近得一雨
甚可喜該等奏曰只如今日蠲放民間丁絹便可名和
氣致甘澤 十一日有詔近令內庫支降絹并買絹錢

補填已放人戶身丁綿絹及人戶已有納過數目即於
來年折除尚慮州縣將今來人戶已納之數巧作名色
却填別項積久致失優恤之意令諸路監司給榜下所
屬州縣仍各多出文榜曉諭務令人戶通知如有違戾
依已降指揮許人戶越訴專委監司覺察臺諫彈劾以
聞當重寘典憲 十二日詔諸州專令知通取索逐縣
丁簿稽考歲數依年格收附銷落如輒敢將未成丁之
人先次拘催及老丁不為即時銷落許經本州申訴依
條根治施行如不為施行即時經監司臺省陳訴仍令
監司常切覺察臺諫彈劾以聞當重寘于法 二十八
年正月二十八日直秘閣荊湖北路轉運判官羅孝芬

言荆湖北州縣昨經殘破亡失版籍乃有以丁增稅者
根括人戶籍其丁口使一丁受種七斗以為稅額有元
條一斗之稅而家有三丁則增為二石一斗之稅不問
其田之多少也又請佃人戶止有常平田而無已業常
平之租不可增數而丁多於常平之田則虛責其民田
之人欲望行下本路許人自陳令監司帥臣選清彊官
吏覈寔改正戶部言欲下湖北轉運司同本路提刑司
常平安撫司取見詣寔因依公共從長相度可否利便
保明施行從之 十二月二十三日赦應開河人夫雖
已支雇錢緣科差多日有妨營運可令本府取見鄉分
姓名的確人數與免今年身丁錢一半如已送納與理

作來年合納之數 三十年七月十九日兩浙轉運言
湖州武康縣每四丁絹一疋自來並納本色不曾折錢
烏程歸安吳興安吉德清縣每三丁納絹一疋自來聽
從民便或納本色或納見錢州縣舊例一戶三丁納本
色絹二丁折納見錢又逐縣丁產簿籍不明並不逐時
銷注陞降將來經拘籍丁名之人行下追催踴為腹撐
丁又名貌丁既不收條省額止以充州縣支用又將合
催丁名預出由子付人戶收執送納有力上戶及攬納
之人多是撓先送納本色貧民下戶並須催納見錢折
納倍費虧損下戶詔令兩浙轉運司措置改正出榜約
束曉諭如有違戾許人戶越訴仍令戶部行下其餘州

縣或有似此去處亦仰依此改正 三十一年正月十
四日尚書右司郎中兼權中書門下省檢正諸房公事
呂廣問言昨任兩浙運副日被旨措置改正湖州丁絹
不均等事今照得朝廷未行錢鹽以前歲計丁口官散
蠶鹽丁給鹽一斗納錢一百六十六文謂之丁鹽錢自
行鈔鹽之後官不給鹽依舊錢每丁增至三百六十文
謂之身丁錢至大觀中湖州申明今三丁折絹一疋當
時絹賤未有倍費其後絹價增長陪費漸多宣和中唯
武康知縣姓朱人將本縣保甲依法編排見得丁數增
添遂申朝廷將所增丁口均入絹數趙成四丁納絹一
疋其餘五縣後來丁口雖增不曾均趙至今三丁猶當

一絹蓋緣逐縣例將寬剩人丁不行注籍暗收丁錢以資他用籍既不明無以稽考所增錢數不盡歸官凡公吏保正長皆得侵隱而又丁籍歲終既不開收年額所催止憑舊籍遂致老病死更不除減民間既苦絹價倍費而又虛抱合消之數由是民力日困本司相度若令逐縣差人巡門根刷徒有搔擾遂措置申明印給甲狀從本州每縣差官一員責付逐鄉保長俵散每三十戶結為一甲自書本戶的寔丁口結罪連相委保所有以前隱落更不坐罪唯今來狀內隱落不寔許人陳告斷罪追賞其甲狀付所委官拘類取見逐縣增添丁口趨入舊額依倣武康體例增丁減絹以寬民力除行下

本州縣并散給印榜鄉村曉諭及於所給印榜申狀前
朱印聲說今來正緣人戶送納身丁錢絹太重措置括
責要見所增丁數趨入舊額均減丁絹即非要添丁額
以增絹數使人戶通知不致疑惑今諸縣推排稍已就
緒且舉長興一縣論之元管丁五萬一千有零今排出
八萬三千比舊約增十分之四舊額理絹一萬七千每
丁納絹一丈三尺合折錢二貫三百有零今據排出人
丁均減外每丁止納絹八尺有零合折錢一貫四百委
是民力稍寬訪聞昨來作弊欺隱丁口之人今既改正
姦計不行却乃扇搖人戶稱是官司排出丁口比舊增
溢謂要增添上供歲額非是欲于逐一名下遞相均減

仍聞逐縣事體不同亦有排出人丁所增數目不多去處妄說官司欲以增數最多縣分與諸縣袞同通一州絹額均攤以此民間不免疑惑兼慮有僥望希求之人不知朝廷措置本意恤民却將增出人丁陳獻利便妄乞別項拘催以為額外羨餘之數如此則一州民力愈困必致逃移照得湖州申到歲額身丁紬絹八萬一十六匹二丈七尺三寸四分連年別無增減欲望明降指揮上件身丁紬絹止依舊額催理所有今來排出丁口逐縣各將元額均數不得輒增舊額先次行下戶部運司湖州照會約束仍有妄獻利便擾民之人亦乞重作施行 三十二年四月十八日安豐軍言近緣金賊侵

犯未成倫序僧道免丁錢難以辨集詔權與展免一年
五月二十一日權發遣湖州陳之茂言兩浙丁錢自
皇祐中許人戶將土產紬絹依時價折納謂之丁絹烏
程諸縣每四丁納絹一疋長興縣每五丁納絹一疋今
之措置盖有二說一欲將歲額定數却以續增之丁均
入歲額不必拘以四丁五丁為一絹如此則丁口既增
丁錢亦減朝廷不失常額民亦易於輸納一欲將絹錢
每疋作五貫紐計折納向若折納本色緣百姓僻居郊
野艱於湊成端足付之攬戶多取價直是納丁之家雖
使本色其實與折錢無異况畸零合鈔少者四戶多者
八戶或一二十戶無緣人人得鈔鄉司作弊重疊追呼

於是戶部言今欲下兩浙轉運司行下本州將人戶所納丁絹如願本色者即依已降指揮與別戶合鈔湊成端足送納各給憑由若願納錢即聽從便其所乞折納絹價如別無虧損官私即依所乞施行今後增減丁數即不得損益元額從之

孝宗隆興二年四月二十六日知常州宜興縣姜詔言本縣無稅產人戶每丁納丁身鹽錢二百文足第四第五等人戶有墓地者謂之墓戶經界之時均紐正稅外又令帶納丁鹽絹作折帛錢輸納本州管下晉陵武進無錫三縣皆於衆戶田產上均納獨是本縣紐在下戶帶丁收納致人戶不得已將父祖墳墓遺棄逃亡或典

賣與人在上耕種使枯骨暴露情寔可憫欲乞依三縣
一例均納從之 乾道元年二月二十二日詔朕以淫
雨不止有傷蠶麥自二十五日避正殿減常膳其浙東
西路灾傷人戶合納乾道元年身丁錢絹臨安府紹興
府湖常州並與全免一年溫台明處州鎮江府並各減
放一半將減下之數於內庫紐支銀絹撥還戶部 三
月十六日三省言切慮州縣奉行不虔依舊催理有失
寬恤之意詔令逐州府遵依已降指揮如有違戾許人
戶越訴當職官吏重寘典憲 四月四日詔僧道年六
十以上并篤廢殘疾之人並比附民丁放納丁錢自乾
道元年為始仍令州縣出榜曉諭 二年四月七日臣

僚言民戶歲各有丁身錢州縣按籍舉催雖一夫不可
幸免至逃亡死絕自當開落去歲二浙水滂疾疫相仍
因而死亡其數頗多聖恩寬恤已免當年丁錢竊聞今
歲州縣起催乃以虛名追寔錢或老耄幼弱為之代輸
或者保鄰里為之償納百姓飢餓之餘自納身丁已似
不堪而況更為他人輸納矧所得甚微而為細民之害
不輕欲乞行下諸州覆寔開落仍令監司按察從之
五月九日臣僚言兩浙路去年百姓以疾疫死亡以飢
餓流移者至多州縣丁籍自應虧減竊聞州縣按籍而
催尚仍故目官吏急於逃責將年未及之人籍為成丁
或審計所虧之額多取之於見存之人或抑令保正長

合力償備欲望特降指揮下兩浙州縣覈寔流移死亡
丁數保明申上權行倚閣候將來流移歸業中小成丁
仍令漸次增補不過數年自當復舊從之 六年正月
十四日戶部尚書曾懷等言自放行度牒給賣過一十
二萬餘道已剝度披戴僧道數目不少今稽考得州縣
連年所納免丁錢比未放行度牒以前年分止增三五
萬貫顯是州縣作弊公然侵隱或作僧道雲遊為名不
納或當來妄供申年甲入老規避免納之數是致暗失
財計望行下諸路提刑司委官檢察括責從寔拘收盡
數入總制帳每季起發毋令依前作弊欺隱仍開具括
責到錢數類聚一路總數保明供申戶部驅磨從之

柳 示 刻

一
二

三月二十四日嚴州言乞先將本州第五等戶無產之人丁鹽絹數蠲減戶部契勘嚴州民戶從來輸納丁鹽絹係積舊年例合納之數難以遽行減免緣本州昨來知州柳楹任內發到餘剩六萬三千貫已起赴左藏南庫送納了當今欲下嚴州將第五等無產稅人戶四萬一百九十六丁合納丁鹽絹與放免一年計減放絹一萬二千八百六十二疋二丈八尺八寸每疋作六貫文省紐計價錢七萬七千一百七十三貫七百二十八文令左藏南庫却將嚴州起發到前項餘剩錢六萬三千貫撥還左藏西庫其餘不足錢一萬四千一百七十三貫七百二十八文本部自行管認從之 同日新差權

南一休東

知惠州葛延年上殿事事乞放廣南身丁米上曰分明
是科數延年奏此米其來已久止緣縣官欲以丁口增
行為課最故逃亡者不為開落勒令催科甲頭代納人
甚苦之上曰合與他密除 閏五月二十四日詔江東
路被水去處比餘路最多可令江東轉運司將建康府
太平州寔被水縣分第四第五等人戶今年身丁錢並
與放免一年不得巧作名色依舊科取如有違戾令監
司覺察按劾重作施行許人戶越訴 十一月十八日
浙東提舉常平蘇嶠言乞將温州旱傷第四第等以下
合納身丁將與蠲放一年為錢一萬千貳貫從之 七
年二月八日詔温州人戶合納身丁絹隨夏料送納已

承乾道六年十一月十八日指揮將第四第五等人戶
與放免一年外竊慮所降指揮之前已有人戶送納在
官仰並特與理作乾道七年合納之數 十二月三十
日戶部契勘浙東温州浙西湖州今歲荒歉最甚温州
已降指揮將旱傷去處第四第五等人戶今年身丁錢
並與放免一年其湖州亦當一體施行乞將湖州五等
以下細民今年丁稅或尚有欠負特與蠲免不得依前
巧作名色追理從之 七年二月十四日冊皇太子赦
應民間有曾祖父母存而身已成丁者其丁錢身役並
免一年訪聞二廣民戶輸納丁錢去處近來官司纔年
十二三便行科納謂之掛丁錢多致逃亡仰本路監司

常切嚴行覺察約束 九年十一月九日南郊赦廣南
東西兩路民間有曾祖父母存而身未成丁之人訪聞
州縣便行科納謂之掛丁錢遂致丁戶逃亡已令監司
約束所隸州縣尚慮不遵成憲甚失朝廷愛民之意仰
逐路帥臣更加覺察或有違戾互行按治以聞當議重
作施行 七月十五日直寶文閣知建寧府趙彥端言
生子孫而殺之者法禁非不嚴備間有違者蓋民貧累
衆無力贍給年方至丁復有輸納身丁之患臣自到任
首行曉諭貧乏之家生子許經府驗寔支錢米給濟尚
慮細民貧困未能不至犯法乞將本府七縣人戶身丁
錢自今後並與蠲免從之 八月十四日宰執進呈兩

諸州丁鹽絹數上曰范成大謂處州丁錢太重遂有不舉子之風虞允文奏曰誠有之但諸州縣丁絹尺寸多少各不等欲擇其^重者蠲之上曰有一家而數丁者須當量^其減免卿等更議定以聞於是詔兩浙州軍人戶身丁鹽錢折納紬絹數內紹興府湖處州比之他州最重數納不均訪聞民戶避免至於生子不舉有傷風化可令提舉常平官限一月取見逐州所管戶口丁數等第每丁歲納若干有無科折覈寔保明攢^具成冊繳申尚書省取旨十月一日司農少卿總領淮東軍馬錢糧蔡洸言鎮江共管三邑而輸丁各異有所謂稅戶有所謂客戶稅戶者有常產之人也客戶則無產而僑寓

者也稅客戶客戶惟丹徒並輸而丹陽金壇二邑有
稅則無丁其輸丁者客戶而已每丁所輸或二尺或四
尺固已不同而官司受納則以匹計故攬者得以邀其
利倍取其直然後湊匹賤買以輸之衆戶併為一鈔有
鈔則可持以為驗而無鈔未免有重疊追輸之擾豈不
重困民力乞令稅客戶一體輸納少紓客戶之力而三
邑不得自為同異則民樂輸矣仍乞見輸丁絹依和買
之直計尺折納而人給一鈔既免重疊追擾且攬戶不
得以邀其利則民不因矣况一歲不過一千七百三十
二匹一丈八尺若以其絹合赴內帑交納之物於法有
礙即乞令鎮江府折納買絹起發於官無損而三萬六

千九百餘丁均被寔惠從之

八年五月知湖州單夔

言本州六縣管二十六萬八千六十九丁計絹六萬五

千二百九十六匹有零又續編排出隱漏一萬四千八

百九十二丁元額每三丁或四丁以上納絹一匹視他

州為重詔每七丁共納絹一匹比元額每歲計減絹二

萬四千八百二十匹令提領左藏南庫所每年於納到

沙田蘆場租錢內撥還戶部未幾續承指揮下項嚴州

管一十二萬三千一百二十四丁每歲納紬絹三萬九

千三百九十九匹有零係每丁納絹一丈二尺八寸紵

興府管三十三萬三千五百二十一丁每歲納紬絹四

萬三千一十五匹有零綿七萬七千四百二十餘兩錢

四萬七千七百五十貫有零上四等係約四丁納絹一匹五等係約八丁納絹一匹處州管一十九萬一千三百八丁每歲納絹錢二十萬三千六百餘貫係四丁以上共納絹一匹委是稍重詔嚴州依湖州每七丁共納絹一匹每年共減二萬四千二百九十三匹有零計錢四萬七千一百七十貫足有零紹興府上四等每七丁共納絹一匹第五等每十丁共納絹一匹每年共減絹一萬三疋二丈五尺四寸計錢五萬二千一十八貫七百足有零處州上四等戶每五丁共納絹一匹五等戶每八丁共納絹一匹每年共減絹九千九百一十匹有零計錢三萬四千六百八十貫文足有零以上減下錢

數並令每年收到沙田蘆場租錢內撥還戶部 九年

五月十一日中書門下言節次已降指揮湖嚴處州紹

興府歲輸丁絹各以均減如願共納成匹絹帛尚慮止

是一戶得鈔餘戶無以執照乞令逐州府每戶各給憑

由以革再行追擾輸納之弊仍自乾道八年為始若人

戶已有納過數目亦與出給憑由理充乾道九年合納

之數不得重叠科取如違官吏重作施行許人戶越訴

仍多出文榜曉諭人戶通知從之 十一月九日南郊

赦台州城內被火居民仰本州取會保明詣寔將今年

未納身丁與免一年仍將來年身丁更與蠲免一年

先是宰執進呈台州旱傷并遺大事上曰台州今歲旱

傷繼之以火小民不易州郡亦闕乏除已給降錢米應
副賑濟支遣外其被火民戶身丁錢可與免納一年曾
懷等奏曰州郡細民皆蒙聖恩軫念如此乞於郊赦內
行下是詔故有是詔